



## T'iint'una guritsona



k'az bo wo s'  
k'azbowos'

gon ke bo wu ts  
gonkebowuts

sho yi de e  
shoyide'e

a e i  
o u

1.

2.

(a). gasha

(a). bura

(b). gata

(b). buka

(c). ga\_\_

(c). bu\_\_

(d). ga\_\_

(d). bu\_\_



1. Yaats azazo ametuwe.


2. Yaats \_\_\_\_\_ .

3. Yaats \_\_\_\_\_ .



## T'iint'una guritsona

Yootsa etuno t'iint'onat guritson Baabenn Duuc'ini etef guri shirots bojinfo btesh. Wotowa bakonmo t'iint'unat guritson goonke danakno. Ikaawo moc'máá manoke gonkebowuts. Manokno moc'o mááfets bo'atsatsewo danebowuts.



**Haniye dashi tururan nababar guuritso t'iint'ush eeg b keewutso' o keewuwer.**

Ett moc'man mááfetst bodanawo éésho beyiru gemots kind bowuts. Ere t'iint'u dek'at, "Awk'oneya hank'o moc'an nobe'awo han nobodi" etat guritso bi'aat. Ere guritsonu dek't, "And ewar hanoke éésho wekin maaho bewosh falituwe, eegoshe ni'etal moc'an meerawo han bodt bbeyir hanoke moc'meyiru gizotsi giishiru s'ootso bbeerne bwotiti" bi'et. Bo keeweyiruman bo'eekftsere worutsat k'eeeyir éésh iko guundo gedbk'r.



Keeweyi wora !





**Éésho méétso mááfe.**

**T'int'o méétso maaraka.**

**Granzo méétso mááfe.**

**Kewuntso méétso maaraka.**



t'iin	gu	éé	tsa
sha	mo	k'u	tu
ri	d'u	t'a	be
ba	la	te	c'a

1.

3.

2.

4.



**1. T'iint'u moc'o máára.**

2.

.

3.

.



## T'iint'una guritsona

Woshi aawots nonababts tururo eeg jange? Tururmanu s'urafa'e. Maniye okon eeg bwotituwok'o keewosh nababor.

Ééshi k'aarman boshishtsok'on tek'at k'osh k'osh kaaton k'azbowos'. Ett k'ale bowuts. Mann ayo boja'ehako aani ikaawo gonkebowuts.



T'iint'unat guritson ééshi k'aaro shisht ee bowot?

Ere t'iint'u dek'at, "Ikotsi moc'man tfadehako k'osho máát woratse eege biwok no'amala" bi'et. Ere guritso, "Ikots iik'osha noon fariyi a matsone" bi'et. Mann t'iint'u dek'at, "Éésha nshatiri wotiyal bíish malo fa'e" bi'et.



T'iint'u ikotsi moc'man amr móóne bi'ere guritso ee bi'et?

Etat "Taa gemman woc'r tbeshor taan éésho shoyide'e bwoor nee waar moc'man mááde" bi'ere waat máábdek'. Aani guritso mank'o wos't gemman bbeshor t'iint'u waar bméét. Mank'on ééshonu boon bmaarawo bowe k'aak'on bokic'erawo malon beerno etuno.



Awk'oneya t'iint'unat guritson moc'man bomáá?



- |             |        |
|-------------|--------|
| 1. g_e_ma   | e / ee |
| 2. w__nga   | a / aa |
| 3. g__ritsa | u / uu |
| 4. m__ha    | a / aa |




éésho, t'int'a, daaza, kewuntsa, granza,  
waanga, meerera, minza, maaha, elaha

**A) Mééts mááka      B) Moc' mááka**




1.




\_\_\_ (a) éésha

2.



\_\_\_ (b) moc'a

3.



\_\_\_ (c) t'iint'a

4.



\_\_\_ (d) guritsa



1. \_\_\_\_\_

3. \_\_\_\_\_

2. \_\_\_\_\_

4. \_\_\_\_\_

## Dawunzonat eganguna



nim bo k'u na t  
nimbok'unat

p'an go  
p'ango

fa ye tu wo ne  
fayetuwone

a e i  
o u

1.

2.

- |                          |                  |
|--------------------------|------------------|
| (a). <u>daba</u>         | (a). <u>kewa</u> |
| (b). <u>dat<u>s</u>a</u> | (b). <u>keta</u> |
| (c). da__                | (c). ke__        |
| (d). da__                | (d). ke__        |



1. Aldo dawunzo bek't wos're.

2. Aldo

3. Aldo



## Dawunzonat eganguna

Dawunzonat egangun gemotsa bobefo. Egangunat dawunzon aaw kasho ayide'eni boshunfo.

Wotowabakonmo gitetswots aawukasho boshunfok'o bo'atsatseyo danerakno btesh. Ere ik aawo egangu bmeetuwo gewo gemots bi'am. Etat bi'amtsoke pirpindo datsdek'at bmááfere awushmuro bi'ats bbuts. Butsdek' bshantsok'on aawu bkesh.



**Haniye dashi tururan nababar egangu aaw kasho s'alats amat eeg bgonktsok'o keewuwer.**

Err egangu k'ewefetsat gemotse keshat aawu kasho shutss'alats am k'aarbuts. K'aardek'at bkashfere datso bdawunere gemots k'azbi'am. Gemots kindat muk'ibtehaftse aawu aani bkesh. Ere aanat ene bkashts s'alats kasho amat dawunzo gonkbdek'.



Keeweyi wora!





Tobo **worfotsa** shookefo.

Kulo **bodotsna** bkeshfo.

Maat'o **worfotsa** tokefo.

Gorko **bodotsna** bkeshfo.



e	k'a	p'an	d'a
p'e	da	la	pin
za	gan	wun	c'o
ga	pir	ga	pa

1.

3.

2.

4.



1. Egangu pirpindo máára.

2.

3.



## Dawunzonat eganguna

**Woshi aawots nonababts tururo eeg jange? Tururmanu s'urafa'e.  
Maniye okon eeg bwotituwok'o keewosh nababor.**

Mann dawunzosh dek'at, “Eege neen unaawo aaw tkashiruwok dek'weyi” bi'et. Ere dawunzo dek't, “Tawor unaawo hanoke aawo tkashfoni” bi'et. Ere egangu dawunzosh dek'at, “Kootenkootiri beyokan tike gitlo hanok war aawo nkashal fayetuwone” bi'et.



**Egoshe egangu dawunzosh gitlo hanok war nkashal fayetuwone  
bi'et?**

Ere dawunzo dek't, “Ndowet keewo aaliye” bi'ere egangu nimbo k'unat, “Bek'etune tdowetuwona nimbondetsal yaats wowe” etat k'azbi'am. Mann yaatsok'on egangu aawu bkasht s'alok aashdek'at bkotfere dawunzo b doyok'o wabkesh.



**Egoshe egangu nimbo bk'un?**

Ere t'oolat detsbdek'. Ere bokaarefere p'ango bjangerawo bo'ats b kehe tek'at bad'bowuts. Maniyeokon p'ango bi'al kashron jint k'azbi'am. Ere k'osh aawots agangunat dawunzon p'ango shatt bofayerawo tohat aawo bokash.



**Dawunzonat egangun bokaarefe koni bek'neya bobad'?**



- |                     |        |
|---------------------|--------|
| 1. f <u>o</u> ka    | o / oo |
| 2. t' <u>i</u> nt'a | i / ii |
| 3. aw <u>u</u> la   | u / uu |
| 4. d <u>a</u> ruwa  | a / aa |




toba, kula, maat'a, gorka, friya, fuuya,  
awawa, diiwa, uula, goha, as'a, ep'a

**A)Worfi maaya**

**B)Bodi miti shuwa**



1.




\_\_\_ (a) pirpinda

2.



\_\_\_ (b) p'anga

3.



\_\_\_ (c) dawunza

4.



\_\_\_ (d) eganga




1.

3.

2.

4.

## Mus'onat goolona



fa ye yo nu  
fayeyonu

bo ke sh tso k'on  
bokeshtsok'on

ku k'a ye re  
kuk'ayere

a e i  
o u

1.

2.

- |            |           |
|------------|-----------|
| (a). masha | (a). tera |
| (b). mara  | (b). teba |
| (c). ma__  | (c). te__ |
| (d). ma__  | (d). te__ |



1. Mus'o aatsots beefe .


2. Mus'o \_\_\_\_\_ .

3. Mus'o \_\_\_\_\_ .




## Mus'onat goolona

Mus'onat goolon Endgayi etef fokotse tohar bobeefo  
btresh. Manokno goolots t'uwe aawa bok'adfo. Bo  
k'aarmanatse tuwtson mus'ots k'ewono bewono  
maawut k'osh fokots goosho k'az bo'am. Bo'amts  
manokno beyiru goolotsu k'ada bok'adir. Ere  
ashgalok amrnu ashonton fayeyonu mangbutser  
baltsok k'az bo'aan.



**Haniye dashi tururan nababar goolotsnat mus'otsn eegatse  
bofayetsok'o keewuwer.**

Ett goolotssh dek't, "It k'aarosh erniya bewono  
k'ewono nomaawit oona it k'aarman muk'ushuwere",  
ett bokeew. Manatse tuwutson goolotsnat mus'otsn  
fayebowuts. Mann goc'eyat bobefere inco waabkesh.  
Ett, "Eege iti k'ali" bi'ere mus'o dek't ash waazotse  
kuk'ayere no'erne nosh bogaay" bi'et. Ere incman,  
"Kuk'ayere maneyar keewewore" ett k'azbi'am. Inco  
k'azbi'amtsok'on goolots aani bokuwere mus'ots  
nibo k'uunt book ambokesh.





**Eebi it shunf mishi naaro?**

**Eewuke kafots bobeefo?**

**Eegoshe it taho it mashfo?**



mu	goo	in	fo
t'u	ca	k'u	k'a
la	ka	s'i	tse
ba	du	de	s'a

**1.**

**3.**

**2.**

**4.**



**1. Goolu t'oolefere aatsots kindra.**

**2.**

**3.**



## Mus'onat goolona

**Woshi aawots nonababts tururo eeg jange? Tururmanu s'urafa'e.  
Maniye okon eeg bwotituwok'o keewosh nababor.**

Mus'ots nibo k'uunt bo'amtsman dank'rat goolots t'oolat foki deembats k'azbokesh. Ett mus'otsnto moosho detsbodek'. Mann goolots dek't, "Noosh iik' azts noono awuk'oneya ic'ere it etiri it angi bogoshemo eegoshe" bo'et.



**Eegosh goolots t'oolat foki dembats azbokesh?**

Mus'otsu dek't, "Jam aawo ic'ere et bwoteftsere t'uwe aawo kuwarniye k'ewo bazk'ayere ete no'eti" bo'et. Mann goolots dek't, "It dootso dowere bako k'ayatsone" bo'et. Mann ayiyidek' faye bowuts.



**Mus'ots goolotssh ee bo'et?**

Ett mus'onu bnaarnaaro kakude'e bwaare goolonu bnaar naaro kakude'e bwaare kaarosh k'utbodek'. Bokaari siisonu aatsotse keer urats bwotituwok'o keewe bowuts. Mus'otsumo goolotsi gac'at wotowe ett shirats bokesh. Bokeshtsok'on goolots t'oolef bowoc'e mus'ots aatso t'ut't s'ik' s'ik'at k'irbos'uwi etuno.



**Mus'otsnat goolotsitse s'eketso kone? Eegneya it dan?**



- |                 |        |
|-----------------|--------|
| 1. <u>u</u> sha | u / uu |
| 2. k'__ha       | a / aa |
| 3. sh__kra      | o / oo |
| 4. k__wuntsa    | e / ee |




**Eebi dani mook de'e it amfo?**

**Eewukneya aatso kitefo?**

**Eegoshe dano it danir?**




1.



\_\_\_ (a) foka

2.



\_\_\_ (b) inca

3.



\_\_\_ (c) mus'a

4.



\_\_\_ (d) goola




1.

3.

2.

4.

## Éésh ikonat s'ekets shak ikuna



k'ii r bu tse re  
k'iirbutser


n wo ni yo ne mo  
nwoniyonemo

daa ts de k'a t  
daatsdek'at




Jootsa etuno éésh ikonat shak ikun tohat bobefo.

Ikaawo boméétwo gewosh bodomaand bo'am. Ere shaku daazo bdaats. Eéshonmo sheeng miinz beero bdaats. Shaku eesho bdaatstso shunk'rat bwonit malo bmal.



**Haniye dashi tururan nababar shaku éésho eeg b k'altok'o keewuwer.**

“Tiko daazo k'otsetska nikonmo k'otso deshatse”  
bi'et. Ere “Neen tmóóniye nwoniyo k'aneratsa?”  
bí'et. Ere wonebowuts. Aani bìn boshuket shiko  
gewo bo'am. Bo'ame shaku ayi s'arango bdaats. Aani shaku shiko shunkbk'r etat, “ Taa han btishal hanan shuketuwe” bi'et. Bi'ere éésho aani nibo k'uunbuts.  
Ett “Neentmóóniye taash nwoniyo k'aneratsa?”  
bíere. “Twoniyo k'anefe” etat bwoni.





**Eebi it galotse goshef maay maay naaro?**

**Awuk'owe moo agefo?**

**Awureya taho it mashfo?**



za	bee	k'e	za
z	ran	sha	la
ee	ka	éé	da
ra	g	min	daa

**1.**

**3.**

**2.**

**4.**



**1. Daazo granzo shunaka.**

**2.**

**3.**



## Éésh ikonat s'ekets shak ikuna

Meyi aawots nonababts tururo eeg jange? Tururmanu s'urafa'e. Maniye okon eeg bwotituwok'o keewosh nababor.

Aani bits bede'er boshuket maa gewo bo'am. Bo'ame shaku maa tiisho bdaats ééshonmo maa sheengo bdaats. Shaku dek'at, "Taaho donzo hann bawl hann keshetuwe aani hann bawl hann keshetuwe nee egneya nkesheti?" bi'et. Ééshonmo aani nibo k'uunbuts. "Maaman taash nwoni-yonemo neen tmóóne k'ani?" bi'et. Ere bísh maat ishman wonibk'r.



Eeg etatneya shaku maa tiishon maa sheengo bwon?

Aani meetso mitsde'er boméét tawo gewosh bodots bo'am. Shaku karnoke tawo daatsdek'at bwaa. Ééshonmo tawo t'ut't awushon ok't wabkesh. Et, "Ak'oniye taan detsiriye" ett bkeewu. B'keewure shaku, "Ak'o taan bdetsor shuts k'ees'o tk'ot'ra bk'ees'foni" etaat bkeewu.



Éésho taw geyo ó amtsoke tawo daatsra daatsatsa?

Manatse eeshonmo shuts k'ees'o bi'iime k'oot'dek't k'iirbutser bi bedek'at meetso bmáá. Granzo wakesht shaku meetso bíík'osh bi'et. Etat shaku k'iirts eesho dushats granzo dusho t'awash dek'at tipbk'r. Manatse ééshats bi'ipts k'ooodro wogbk'r. Etat granzosh, "Éésho neen mááre" bi'et. Granzo bdushon éésho duuno geetsdek't wos'o gedb'k'r.



Ak'oneya granzo shaku meetso biik'dek' móó ó k'az?



- |   |                                      |
|---|--------------------------------------|
| 1. sh <u>a</u> ka<br>2. sh <u>  </u> k'a<br>3. m <u>  </u> nza<br>4. sh <u>  </u> t'a | a / aa<br>a / aa<br>i / ii<br>e / ee |
|---|--------------------------------------|



**Eebi it galotse kaashf kaash naaro?**

**Awuk'owe ito k'ac'efo?**

**Awure it galotse duubo duubefo?**




1.



\_\_\_ (a) minzbeera

2.




\_\_\_ (b) granza

3.



\_\_\_ (c) shaka

4.



\_\_\_ (d) daaza



1.

3.

2.

4.



## Mus'ona ééshona

Haniye dashi tururan nababar éésho aatsots bbewonat bk'azo keewuwer.

Yootsa etuno ééshonat mus'on giyo bobefo btesh. Mus'onu bbefo aatsotsa. Éésho bbefo dats shuuk'ats wotat aatsalo jinr k'eeraka. Ere ik aawo éésho mus'ok'o aatsotse tbeeti ett kindt antutuwat k'az bkesh.



Mus'o bbeefo aake?

Eegoshe itsh bi'ar éésho aatsots beewo maawut antutuwat bkesh?

It ééshman itwotink'e aatsots beewo gawiyank'te?

Eegoshe?



gu	da	goo	éé
fo	ri	la	ran
pin	sha	tsa	za
g	ka	pir	min



1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_

ump'ap'a, eeyisha, shutsa, kana, daaza,  
dak'uwa, kula, baaka, iins'a, kawa

A) Mééka   B) Mééraka

101



## Shoha



gaan s' de e  
gaans'de'e

bo gal ma ni tse  
bogalmanitse

fu s' de k'a t  
fus'dek'at

a e i  
o u

1.

2.

- |            |            |
|------------|------------|
| (a). shuka | (a). k'eta |
| (b). shuna | (b). k'ena |
| (c). shu__ | (c). k'e__ |
| (d). shu__ | (d). k'e__ |



1. Maatets Gizets gal ibo amra.

2. Maatets \_\_\_\_\_ .

3. Maatets \_\_\_\_\_ .



## Shoha

Maatetsi etef ash iku Miingi etef gal ikotse fa'a btesh. Ashmanu bogalmanitse it fiinon daneki.

Bfiinef iti naarotsu baaki ita, meetsi ita, aruwari ita, kawi ita, waaki ita, tobi itonat aretsotsna. Wotowa bakonmo shohi ita etefo fiino beteya ere máárnu danaki. Eegon b' finefok'ono danaki.



**Haniye dashi tururan nababar maatets gizetsots gale eeg iton misho bmáátsok'o keewuwer.**

Ere ik aawo Danguri etef galots bi'aas' Gizets mook ibo bi'am. Etat manoke noono keeweron jint bo'ere datso ilbuts. Mann kooc'i misho móóne ett meyits bokind. Ett kisho mashdek' bot'iine okon misho shohi iton btiin. Maatetsmo haniye shin shohi ito be'e bdanawotse eza biish bi'are. Ere misho tiitsdek' itman itdek'at bk'ap'ere k'oshbuts.



Keeweyi wora!





**Na'o k'esho mááre.**

**Naana'ots k'eshotsi máárno.**

**Baarna'u duubo duubra.**

**Baarnaana'ots duubo duubrno.**



el	shi	k'u	sha
ta	koo	mi	ba
la	d'a	ta	ca
pe	p'u	k'u	ka

1.

3.

2.

4.



**1. Maatets k'ulots shoho kiira.**

2.

3.



**Woshi aawots nonababts tururo eeg jange? Tururmanu s'urafa'e. Maniye okon eeg bwotituwok'o keewosh nababor.**

Maatets, “Eeb itan naaroni?” etat bi’as’i bi’aat. Eere bi’as’ dek’at, “Shohe etefoni bfiinefonu elti k’uuk’one” etat bkeew. Maatets dek’at “Taa eza eta ti’eti bak’o han naaro be’e danak taane” bi’et.



**Maatets itan naaro eebi etat bi’aat bi’as’ eega etniya bi’ani?**

Ere Gizets Awuk’o shohi ito fiinetuwok’o bkeew. Shino elti k’uuk’o tiitset man mookde’e waar shikon fus’et. Maniye okono mayide’e k’ulots sheengshde’e bkatsfetso kiyet. Bkatse okon gaans’d’e mishon itde’e mééfo.



**Shohi ito fiinefok’o bshine shuutso korde’e keewuwer.**

Maatets miinji aanat bi’amtsok’on shohi itan fiino taan geyiyituwe etat shoh tiitsdeko bodots bi’am. Tiitsdek’ watnu fus’dek’at, mashdek’at, kidek’at shohi ito k’ac’bk’r. Erno shaawubuts manoke bgiyotsi s’eegdek’at shohi itman bmááñzire shohi ito bodani etuno.



**Maatets miinji aanat bi’ame hak eebi bfin?**



1. sh_o_ha	o / oo
2. f__s'a	u / uu
3. b__kita	a / aa
4. t__tsa	i / ii



na'o, naana'ots, k'esha, k'eshotsi, baara  
na'u, baarnaana'ots, mááre, máárno,  
duubra, duubrno

**A)K'and kiitsa      B)Aay kiitsa**

1.



\_\_\_ (a) misha



2.



\_\_\_ (b) k'ula

3.



\_\_\_ (c) elta

4.



\_\_\_ (d) shika



1.

3.

2.

4.

## Wodebnat Angatna



maa tsa  
maatsa

bi e shu wo tsh  
bi'eshuwotsh

ka sh b de k'  
kashbdek'



1.

2.

- |                     |                     |
|---------------------|---------------------|
| (a). na <u>a</u> ka | (a). be <u>a</u>    |
| (b). na <u>a</u> ta | (b). be <u>sh</u> a |
| (c). na <u>a</u> __ | (c). be__           |
| (d). na <u>a</u> __ | (d). be__           |



1. Adil kawo k'ac'era.

2. Adil \_\_\_\_\_ .

3. Adil \_\_\_\_\_ .



## Wodebnat Angatna

Wodebnat Angatn Zgahi etef galotse gitl k'aat'ts daniru naana'ano. Wodeb b'tooko guda, b'eed'o geenza, b'eedefonu mtatiya, Angatmo k'awuni b'tooko wozeeka, bkarefonu bori faara. Gitetsotsu, jam aawo dani mook bo'amor s'eyeyayarini bo'amfo. Ik aawo Wodeb ind bi'alere Wodeb k'ulo k'os'dek' mo'o b'mo'afere Angat wabkesh.



**Haniye dashi tururan nababar fiino nugushika maatska err galosheeng b'wotonat gond b'woton keewuwer.**

Ófiiniru fiino bek'at "Akee! Maats finona nfiiniri?" bi'et. Ere Wodeb dek't "Maatsonu nugushonu kishone ófiinir maatsko k'osh kisheya? Mank'ayik'rар nee kawo bot'ewe taa mo'o kishuna kish kishon fiinar bteeshftse dani mook amone" bí'ere finat bo'ish hako máát dani mook kaari bo'am. Ere kish kishon fiino b'geyituwok'o Angat danat bi'eshuwotssh bikeewi.



Keeweyi wora!





**Kano misho mááre.**

**Kanots misho máárno.**

**Anduru iins'o giishera.**

**Andurots iins'otsi giisherno.**



ma	bu	boo	k'u
gum	gaa	sha	wa
ni	mi	la	ka
be	z	da	ra

**1.**

**3.**

**2.**

**4.**



**1. Angat boozgumbon mo'o mo'era.**

**2.**

**3.**



## Wodebnat Angatna

**Woshi aawots nonababts tururo eeg jange? Tururmanu s'urafa'e. Maniye okon eeg wotituwok'o keewosh nababor.**

Ere maniye okon Angat eshuwots Angat izo dek't boind haniye shine ay finon b mid'eyiruwok'o bodan. Maniye okon bo indsh ayiyo bon bgeyituwok'o bokeewe. Mann boind ik aawo gawiyo amat b wafere iko buno b'gifi, iko misho b'k'ac' ikonmo ito b'k'ac'. Ett bo kotfere indu wabkesh. Ere indu watsok'on, "Beede kashde'e" bo'et.



**Eegoshe Angat eshuwots bo indi bo ayituwok'o bokeewe?**

Ere boind dek'at, "Eebi tkashituwoni it maats itwotink'osha kashtdek'ank'oni" bi'et. Ere naana'ots dek't, "Yootsok'o neesh ark'aye n finit fiino no finerone nok'anitso beede mááde aatso uyide'e" bo'et.



**Eegoshe Angat eshuwots bo indsh yootsok'o neesh ark'aye bo'et?**

Ere indu haniye shin be'e bdanawotse koot bi'arefe bot'intsts jamo máát ushat boon bdeer. Etat boind manotsi aawe hako fiin jamo maatska nugushika err galerawok'o danat kashbdek'. Etnu b giyotssh biizi etuno.



**Angatots ind fiino maatska nugushika err galerawok'o b danihako b giyotssh eebi bk'al?**

a e i  
o u

- |                  |        |
|------------------|--------|
| 1. m <u>o</u> 'a | o / oo |
| 2. k__sha        | i / ii |
| 3. d__s'a        | e / ee |
| 4. n__ra         | u / uu |



Aawar baako keewere.

Adel goodo detsfe.

Awuntsets na'o detsfa.



1.



(a) bunik'ula

2.



(b) gaawa

3.



(c) mara

4.



(d) boozgumba



1.

3.


2.

4.

111



Adelnat Aldona



mam ba ri  
mambari

b k'a c'e fo  
bk'ac'efo

moo yo  
mooyo

a e i  
o u

1.

- (a). jeena
- (b). jeera
- (c). jee\_\_
- (d). jee\_\_

2.

- (a). mura
- (b). muc'a
- (c). mu\_\_
- (d). mu\_\_



1. Gik'etso fiinde'e mááraka.

2. Gik'etso

3. Gik'etso



## Adelnat Aldona

Adelnat Aldon Gitsahi etef galitsi naana'ano.

Gitetsotsu tats nati naana'ano. Aldo bí'indsh buna  
b'gufifo, misha, ita b'kac'efo, moowotse fiino b'fiinor  
maatska nugushika eraka. Adel nugushi fiina bako  
maats fiino fiineraka.



**Haniye dashi tururan nababar Adel ind biish bizifo keewuwer.**

Jam aawo bí'ind de'er, "Ik aawo wotef keewo  
danerake, maats fiina eto k'ayir jamo ndanik'e  
sheenge" bi'etfo b'tesh. Bímo "Eege taa maats taane  
maats fiino tfiinit" ett b'k'az. Ik aawo Adel indnat  
Aldo indn mambari usho Shari etf fokoniye bak'ets  
bo'am, mann awusho butst bi'ere aatso s'een  
butsere k'az bok'e.



Keeweyi wora!





**Daatsi minzotsi detsfe.**

**Daatsi minzo detsfe.**

**Waakit tushotsi máára.**

**Waakit tusho máára.**



r	kee	p'a	k'a
tsa	shun	na	Tsa
p'e	c'e	d'e	t'a
gu	sho	c'u	mee

1. \_\_\_\_\_

3. \_\_\_\_\_

2. \_\_\_\_\_

4. \_\_\_\_\_



**1. Adel mak'ts gec'o shunfe.**

2. \_\_\_\_\_

3. \_\_\_\_\_



**Woshi aawots nonababts tururo eeg jange? Tururmanu s'urafa'e.  
Maniye okon eeg bwotituwok'o keewosh nababor.**

Aldo kooc' mishonat iton k'ac'dek' máát b'k'eere, Adelmo mish k'ac'osh gaawo k'ee k'rati b'oirshefere gaawo gemats fed'at tiish butsere mish k'ac'o maawut k'aak'on k'et bí'ere mooyo dets b'dek'.



**Adel misho k'ac'dek' máára mááratsa? Eegneya it dan?**

Ere indu guur b wafere k'eya bk'eyir, bk'eyiruwoke bek'at, "Nidi k'aak'o ud'k'rowe!" etat awuri aatso b noonots b gere noono bkeewu.



**Adel ind Adelsh eebi bk'al?**

Ere indu dek'at "Aldokok'o mishonat iton k'ac'o nfalik'e aakneya hank'o nwotiyak'oni etat tkeewo gac'oknosh tnaayo waash waashi nkasho nt'ut'i" etat biz. Bíwe manatse tuwtson ash keew gac'o k'azk'rat fiinono maatska nugushika bi'eraniy bfiini.



**Adel maniye hak ee bwot?**



1. m <u>u</u> k'a	u / uu
2. j__ra	o / oo
3. b__k'a	i / ii
4. n__fa	e / ee




**Shaanets korotsi wozra.**

**Moc'ir shop'otsi kemra.**

**Éésho t'int'otsi ud're.**




1.



\_\_\_ (a) shop'a

2.




\_\_\_ (b) meetsa

3.



\_\_\_ (c) keetsa

4.



\_\_\_ (d) shungurta




1. \_\_\_\_\_

3. \_\_\_\_\_

2. \_\_\_\_\_

4. \_\_\_\_\_

## Adilnat bunona




s'u d bo k'r  
s'udbok'r

bo k'o li ki ye  
bok'olikiye

koo c'i mi sho  
kooc'imisho



Adili etf na'a iku Kitarn fa'o b'tesh. Bomeytse b  
nihinat bindn taro jin bowowor kooc'i misho  
b'bodfetso bok'ol kiya bomááfo. Ere ik aawo Adili  
aakari bok'oli kiye bomeeti etat buno kibk'r.



**Haniye dashi tururan nababar Adil buno eeg b k'altsok'o keewuwer.**

Guuri k'os'ets buno kooc'ish bodfetso tawats b'jin.

Daadi s'een mito ish bazt kayaniye boor. Ere indunat  
nihon taron bowaare guundats s'ot'dek'at bi'iim.





Awusho **asho** ok'ire.

Awusho **ashotsi** ok'ire.

Awuntsir **shakotsi** giishera.

Awuntsir **shako** giishera.



wa	ya	la	si
bir	boo	na	r
na	wa	c'i	gaa
a	bi	k'e	shu

1.

3.

2.

4.



1. Domets birgaawats buno gawura.

2.

3.



## Adilnat bunona

Meyi aawots nonababts tururo eeg jange? Tururmanu s'urafa'e.  
Maniye okon eeg bwotituwok'o keewosh nababor.

Ere “Adil! eebi ndootsan naaro?” bo’et. “Aakari bok’ole itmééti etatni buno tkiyi” bi’et. Indu dek’at “Konokneya buno kiyef nbek’i?” bi’et. “Eege bok’olo kiyefe, As’onu kiyefe, Arwaronu kiyefe etatni tkiyi” bi’ere. “Ee! Ntohikok’o fiinerne” bi’ere. Nibok’uunat kooc’i misho gaayi bk’r.



Indu dek’at, “Buno konokneya kiyefoni?” bi’ere, Adil eega etniya bi’aani?

Indu dek’at, “Nmóó k’anefe njot’eyoniye” bi’ere buushefetsat bmáá. Kooc’i misho máák’re hako tni’e “Buno Sheengsh mayide’e, gaawude’e , k’ic’dé’ eni ushefani bako, ik nato kiyeyal kayake shino mantsisha” etat biizi.



Adil kooc’i misho bgaagi eegoshe?

Wotowabakonmo Adil kishmitso falerak b tesh. Ere k’osh aawots indu iztso k’azk’rat bok’olo mashdek’, gawudek’, k’is’dek’at gedbk’r. Ere bindnat nihon taron bowatsok’on gufidek’at biime iknoto boshuttsok’on bun bun eto b k’aye s’udbok’r. Mann manots kooc’ buno bo’uyawo bok’eyi.



Adil indu izts izo dek’at fiinerna fineratsna?




1. t <u>u</u> na	u / uu
2. a <u>  </u> a	k / g
3. b <u>  </u> ni	o / ó
4. ko <u>  </u> o	ng / nd



Aldo shikotsi k'is'ire.  
Adil eshuwo detsfa.  
Away dabtaro kewere.  
Bagaw gaagurotsi tipre.



1.

 (a) shuwa

2.

 (b) birgaawa

3.

 (c) boola

4.

 (d) ananasiya

1. \_\_\_\_\_

3. \_\_\_\_\_

2. \_\_\_\_\_

4. \_\_\_\_\_



## Maatetsnat boot'ona

Haniye dashi tururan nababar maattets kaashoke bbeefe wotts keewo eeg bwottso k'o keewuwer.

Adelnat maatetsn kaasho shunfno. Ik aawo bo'ind Gizets taro k'azbi'am. Ere maatets biin wosherawo awuro es'dek' boot'o bad'iyibk'r. Etat awuk'ulots bblood'awo Adelok kaasho k'azbi'am. Manoke bkaashfere baakots boot'man maa maac'ots bad'ibok'r.



Maatets kaasho konoke bi'am?

Maatets boot' b bood'aw kaasho bi'am eegoshe itsh bi'are?

Maatetsi it wotink'e eebi itk'aliyank'o?



a	bu	si	z
shi	na	la	na
ba	k'u	ya	gum
ka	boo	ni	c'i



1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_

Kanots misho máárno.

Daatsi minzotsi detsfe.

Awusho ashó ok'ire.

Awuntsir shakotsi giishera.